

-15/156

SUD BOSNE I HERCEGOVINE

Primljeno na posrednicu: 28.08.2007/20 god. u 6 primjorka sa

1000 lit. op. stav. 1000 kna. 1000 kna. 1000 kna.

Bosna i Hercegovina

Prodato poštom preporučeno na recepciju dana 20 godine.

Plemeno talisirano sa KM u taksonim mar. nedostaje takso KM plemeno primljeno bez

Primljeno vrijednosti (novac, taksonim marke i sl.)

Tužilaštvo - Tužiteljstvo Bosne i Hercegovine

Босна и Херцеговина

116

KRO 107/405

89/16 Priloga F.2 P.4.4

REGISTRAR

28-08-2007 16.07

Poseban odjel za ratne zločine
 Broj: **KT-RZ-31/06**
 Sarajevo, 28.08.2007.godine

Optužnica K T-RZ/31/06

POTVRĐENA DANA 31.08.2007.

Sudija

SUD BOSNE I HERCEGOVINE
SARAJEVO

Na temelju odrebi člana 35. stav 2. tačka h) i člana 226. stav 1. Zakona o krivičnom postupku BiH, podižem

OPTUŽNICU

Protiv:

1. **VUKOVIĆ RANKA**, sina Vlade i majke Kose rođene Bodiroga, rođen 07.09.1969. godine u selu Kozija Luka, opština Foča, stalno nastanjen u ulici Petra Bojovića br. 13, Foča, JMBG o7o9969131535, po nacionalnosti Srbin, državljanin BiH, radnik, pismeni sa završenom SSS, oženjen, otac dvoje djece, srednjeg imovnog stanja, vodi se drugi postupak protiv njega zbog krivičnoga djela iz člana 250. stav 2. KZ BiH, a u vezi člana 232. stav 3. KZ BiH, nalazi se u pritvoru po rješenjima Suda BiH u predmetu broj X-KRN-07/387 počev od 23.06.2007 godine, osuđivan i to:

- Presudom Osnovnog suda Srbije broj: K-25/99 od 14.4.1999. godine, kaznom zatvora u trajanju od trideset dana, uslovno na jednu godinu, zbog krivičnog djela nedozvoljene trgovine iz člana 131. stav 1. KZ RCG.
- Presudom Osnovnog suda Srbije broj: K-71/00 od 16.8.2000. godine, kaznom zatvora u trajanju od trideset dana, uslovno na jednu godinu, zbog krivičnog djela nedozvoljenog držanja oružja ili eksplozivnih materija iz člana 213. stav 1. KZ RS.
- Presudom Osnovnog suda Foča/Srbije broj: K-82/04 od 1.7.2004. godine, kaznom zatvora u trajanju od tri mjeseca, zbog krivičnog djela nedozvoljene trgovine iz člana 281. stav 1. KZ RS.

2. **VUKOVIĆ RAJKA**, sina Vlade i majke Kose rođene Bodiroga, rođen 20.11.1972. godine u Foči, gdje je stalno nastanjen u ulici Šantićeva br. 11, po nacionalnosti Srbin, državljanin BiH, pismen sa završenom SSS, oženjen, otac troje djece, slabog imovnog stanja, nalazi se u pritvoru po rješenjima Suda BiH broj X-KRN-07/405 počev od 12.07.2007. godine, osuđivan i to:

- Presudom Osnovnog suda Srpsko Sarajevo broj: K-48/99 od 5.1.2000. godine, kaznom zatvora u trajanju od pet mjeseci, uslovno na jednu godinu, zbog krivičnog djela nedozvoljene trgovine iz člana 129. stav 1. KZ RS.
- Presudom Osnovnog suda Srbije broj: K-161/99 od 4.1.2000. godine, novčanom kaznom u iznosu od 100,00 KM, zbog krivičnog djela nedozvoljene trgovine iz člana 129. stav 1. KZ RS.
- Presudom Osnovnog suda Srbije broj: K-79/00 od 17.8.2000. godine, novčanom kaznom u iznosu od 150,00 KM, zbog krivičnog djela nedozvoljene trgovine iz člana 129. stav 1. KZ RS.
- Presudom Osnovnog suda Srbije broj: K-14/03 od 11.4.2003. godine, kaznom zatvora u trajanju od šest

mjeseci, uslovno na dvije godine, zbog krivičnog djela nedozvoljene trgovine iz člana 271. stav 1. KZ RS.

- Presudom Osnovnog suda Srpsko Sarajevo broj: K-26/02 od 7.10.2003. godine, kaznom zatvora u trajanju od deset mjeseci uslovno na dvije godine, zbog krivičnog djela izazivanje opšte opasnosti iz člana 390. stav.3. u vezi stava 1. KZ RS.
- Presudom Osnovnog suda u Foči broj: 094-0-K-06-000137 od 11.1.2007. godine, kaznom zatvora u trajanju od dva mjeseca, uslovno na jednu godinu, zbog krivičnog djela nedozvoljene trgovine iz člana 281. stav 1. KZ RS.
- Presudom Osnovnog suda u Foči broj: 094-0-K-06-000138 od 11.1.2007. godine, novčanom kaznom u iznosu od 5.000,00 KM, zbog krivičnog djela nedozvoljene trgovine iz člana 281. stav 1. KZ RS.

Što su:

Optuženi Vuković Ranko i Vuković Rajko zajedno.

u okviru širokog i sistematičnog napada vojnih, paravojskih i policijskih snaga tzv. Srpske republike BiH, usmjerenog protiv civilnog Bošnjačkog stanovništva općine Foča, znajući za takav napad te da njihove radnje čine dio napada ,kao pripadnici tih snaga, vršili progon civilnoga stanovništva Bošnjačke nacionalnosti na političkoj, nacionalnoj i vjerskoj osnovi, učestvovajući u zajedničkom planu i njegovom doprinošenju ostvarenju zajedničkog cilja lišavanja drugih osoba života(ubistvima), tako što su:

1. tačno neutvrđenog dana, krajem mjeseca maja 1992., godine, zajedno sa Golubović Rankom i Golubović Blagojem, obučeni u maskirne vojne uniforme i naoružani sa automatskim naoružanjem, došli u selo Podkolun, Opština Foča, a zatim došli do porodične kuće [REDACTED] [REDACTED] rođenog 1909 godine, kojeg su zatekli u kući, te istog upotrebom vatrenog oružja lišili života, , a zatim iz kuće izveli jedan radio-kasetofon i krenuli putem kojim su napustili selo, da bi potom idući

tim putem na jednoj stijeni koja se nalazila blizu puta zatekli [REDACTED] [REDACTED] rođenu 1927 godine, koja je okopavala krompir, nakon čega su istu upotrebom vatrenog oružja lišili života, a zatim se udaljili u nepoznatom pravcu.

Optuženi Vuković Ranko sam,

u okviru širokog i sistematičnog napada vojnih, paravojnih i policijskih snaga tzv. Srpske republike BiH, usmjerenog protiv civilnog Bošnjačkog stanovništva općine Foča, znajući za takav napad te da njegove radnje čine dio napada, kao pripadnik tih snaga, vršio progon civilnoga stanovništva Bošnjačke nacionalnosti na nacionalnoj i vjerskoj osnovi, počinivši nad drugom osobom silovanje upotrebom sile i prijetnje, direktnim napudom na njen život i tijelo, tako što je:

2. tačno neutvrđenog dana u mjesecu julu 1992., godine, u mjestu Miljevina, Opština Foča, nakon što je prethodno primjetio oštećenu „A“ kako kupi veš ispred zgrade u kojoj je stanovala, iskoristio momenat kada je ista ulazila u svoj stan te ušao za njom u stan te je odmah upitao da li će se sama skinuti ili će joj on to uraditi, pa kada je ista na to šutjela i nije ništa odgovorila, opsovao joj je majku i rukama je bacio na dvosjed koji se je nalazio u toj prostoriji, a zatim pokidao svu odjeću sa nje i nad istom izvršio silovanje, nakon čega je izašao iz stana zaprijetivši joj da će je mrak pojesti ako bilo kome kaže šta se je desilo,

dakle,

u okviru širokog i sistematičnog napada vojnih, paravojnih i policijskih snaga tzv. Srpske republike BiH, usmjerenog protiv civilnog Bošnjačkog stanovništva općine Foča, znajući za takav napad te da njihove radnje čine dio toga napada, kao pripadnici tih snaga, sa diskriminatornom namjerom, vršili progon civilnoga stanovništva Bošnjačke nacionalnosti na političkoj, nacionalnoj i vjerskoj osnovi, tako što su pod tačkom 1., djelujući u dogovoru sa Golubović Rankom i Golubović Blagojem, učestvovali u udruženom

zločinačkom poduhvatu koji je imao zajednički cilj, a to je lišavanje života drugih osoba, a pod tačkom 2., Vuković Ranko sam počinio nad drugom osobom silovanje upotrebom sile i prijetnje, direktnim napadom na njen život i tijelo,

čime su počinili krivično djelo i to:

- *Vuković Ranko, pod tačkom 1. optužnice krivično djelo zločin protiv čovječnosti iz člana 172. stav 1. tačka h) u vezi tačke a) istoga člana KZ BiH, a sve u vezi člana 180. stav 1. KZ BiH, te pod tačkom 2. optužnice krivično djelo zločin protiv čovječnosti iz člana 172. stav 1. tačka h) u vezi tačke g) istoga člana KZ BiH, a sve u vezi člana 180. stav 1. KZ BiH.*
- *Vuković Rajko, pod tačkom 1. optužnice krivično djelo zločin protiv čovječnosti iz člana 172. stav 1. tačka h) u vezi tačke a) istoga člana KZ BiH, a sve u vezi člana 180. stav 1. KZ BiH.*

Radi toga stavljam:

PRIJEDLOG
dokazu koje treba provesti

I


Da se u svojstvu svjedoka-oštećene sasluša:

I. Svjedok-oštećena "A"

II

Da se u svojstvu svjedoka saslušaju:

- 1.
- 2.
- 3.
- 4.
- 5.



III

Da se izvrši uvid u:

- *Presudu MKSJ u predmetu protiv Dragoljuba Kumarca i dr. br. IT- 96-23-T i IT-96-23/I-T od 22.02.2001. godine;*
- *Presudu MKSJ u predmetu protiv Dragoljuba Kumarca i dr. br. IT-96-23 i IT-96-23/I-A od 12.06.2002. godine;*
- *Presudu MKSJ u predmetu protiv Milorada Krnojelca br. IT-97-25-T od 15.03.2002. godine;*
- *Presudu MKSJ u predmetu protiv Milorada Krnojelca br. IT-97-25-A od 17.09.2003. godine;*
- *Presudu Suda BiH u predmetu protiv Samardžić Nedje br. X-KRŽ-05/49 od 13.12.2006. godine;*
- *Zapisnik o izvršenim ekshumacijama na području Općine Foča-Srbijne Kantonalnog suda u Gorazdu broj: Kri-10/01 od 28.9.2001. godine;*

- *Izveštaj Ekspertnog tima Kliničkog centra u Tuzli o sudsko-medicinskoj ekspertizi od 28.9.2001. godine, broj slučaja 385;*
- *Izveštaj Ekspertnog tima Kliničkog centra u Tuzli o sudsko-medicinskoj ekspertizi od 28.9.2001. godine, broj slučaja 386;*
- *Uvjerenje Odjeljenja za opštu upravu Opštine Foča, broj: 04-835-1-280 od 7.8.2007. godine;*
- *Uvjerenje Odjeljenja za opštu upravu Opštine Foča, broj: 04-835-1-281 od 7.8.2007. godine;*
- *Izvod iz kaznene evidencije SJB Foča broj: 13-1-8/02-248-2-340/07 od 19.7.2007. godine;*
- *Zapisnik Državne agencije za istrage i zaštitu o predaji osobe lišene slobode broj. 17-04/2-04-2-7/07 11.7.2007. godine;*

Rezultati istrage:

U istrazi koje je provelo ovo Tužilaštvo došlo se do rezultata koji na nesumnjiv način potvrđuju da su osumnjičeni Vuković Ranko i Vuković Rajko počinili krivična djela koja im se stavljaju na teret ovom optužnicom.

Napad na grad Foču i mnoga sela u općini Foča tokom mjeseci aprila i maja 1992. godine izvršili su lokalni Srbi, policija i paravojne formacije koji su pokrenuli jednu od najzloglasnijih kampanja etničkog čišćenja u Bosni i Hercegovini. Njena namjena je bila da se iz općine Foča zauvijek uklone njegovi stanovnici Bošnjaci. Srpske snage napale su i razorile više sela naseljenih Bošnjacima.

Fočanska opština nalazi se na krajnjem jugoistoku Bosne i Hercegovine, na oko 50 km od Sarajeva, površine 1266 kvadratnih kilometara. Prema popisu od 1991. godine Foča je imala 40.513 stanovnika od čega su 51,6% bili Muslimani, 45,3% Srbi, a 3,1%

upisani u rubriku "ostali". Zbog velikog strateškog i historijskog značaja Foča je postala jedan od glavnih ciljeva srpskih aktivnosti u Istočnoj Bosni, jer se grad nalazi na manje od 10 km udaljenosti od crnogorske granice, a smješten je uz važan putni pravac koji povezuje Crnu Goru na sjeveru sa Dubrovnikom u Hrvatskoj, a na jugu grad se nalazi na ušću rijeke Bistrice u Drinu.

Političko i vojno preuzimanje vlasti u Foči počelo je početkom aprila 1992. godine, prve vojne akcije u gradu zabilježene su 7. aprila 1992. godine kada su regularne i neregularne vojne jedinice krenule u zauzimanje grada, a 8. aprila Foča je napadnuta teškom artiljerijom i pješadijom sa okolnih brda iz pravca Kalinovika, Livada, Dragočeva, Popovog mosta i Ivanića, taj napad je bio usmjeren posebno na muslimanska naselja Donje Polje, Aladža i Čohodor mahalalu i što je bilo završeno 16. ili 17. aprila 1992. godine. Okolna sela naseljena uglavnom stanovnicima muslimanske nacionalnosti ostala su pod blokadom do jula mjeseca 1992. godine. Do početka rata u Foči krizni štab SDS-a već je bio u funkciji prema "Uputstvu o organizovanju i djelovanju organa srpskog naroda u BiH u vandrednim okolnostima" od 19. decembra 1991. godine, te je djelovao kao komanda srpskih snaga za vrijeme rata, a osnovana je i posebna srpska policija.

U Foči i njenoj okolini je u tom periodu ubijen veliki broj Bošnjaka muškaraca, žena, djece i starijih osoba. Iz masovnih grobnica i pojedinačnih grobnica na teritoriji opštine Foča i u njenoj okolini ekshumirane su još stotine muslimanskih civila svih dobi i oba pola. Građani bošnjačke nacionalnosti bili su podvrgavani i drugim oblicima zlostavljanja i ponižavanja kao što je silovanje i premlaćivanje. Mnogima su od njih oduzete stvari od vrijednosti, zlatni nakit i novac. Veliki broj civila nesrpske nacionalnosti koji još nisu bili izbjegli, bili su sistematski protjerivani na organizovani način i protivzakonito zatvarani i tom prilikom mnogi su ubijani i premlaćivani.

Sve naprijed navedene činjenice proizilaze iz presuda MKSJ u predmetima protiv Krnojelac Milorada i Kumarac Dragoljuba, te presude Suda BiH u predmetu protiv Samardžić Nedje.

Na osnovu činjenica koje su utvrđene u ovim predmetima sudeća vijeća su u pravosnažnim presudama utvrdila da je na području Opštine Foča izvršen široki i sistematski napad Srpskih snaga usmjeren protiv civila nesrpske, posebno Bošnjačke nacionalnosti, koje činjenice će Tužilaštvo predložiti da se prihvate kao dokazane, a na temelju odredbe člana 4. Zakona o ustupanju predmeta od strane MKSJ Tužilaštvu BiH i

korištenju dokaza pribavljenih od MKSJ u postupcima pred sudovima u BiH.

Tužilaštvo je nakon sprovedene istrage došlo do dokaza da su optuženi Vuković Ranko i Vuković Rajko za vrijeme ovog napada, došli naoružani automatskim naoružanjem u nebranjeno selo Podkolun, opština Foča, gdje su upotrebom oružija lišili života [REDACTED] [REDACTED] što proizilazi iz iskaza prvenstveno svjedoka [REDACTED] koji je bio očevidac predmetnih događaja, a koji iskaz je na nedvojben način potvrđen iskazima svjedoka [REDACTED] [REDACTED]

Ovo Tužilaštvo je takođe došlo do materijalnih dokaza o nasilnoj smrti [REDACTED] što potvrđuju Zapisnik o izvršenoj ekshumaciji posmrtnih ostataka oštećenih sa pratećim izvještajima o sudsko medicinskoj ekspertizi sačinjeni po vještaku medicinske struke Prof. dr. [REDACTED]

Cijeneći dokaze koji su prikupljeni tokom istrage može se zaključiti da su osumnjičeni Vuković Ranko i Vuković Rajko zajedno sa drugim saizvršiocima djelovali u skladu sa zajedničkim planom koji je imao za cilj istu zločinačku namjeru, a to je ubistvo [REDACTED] [REDACTED] Iako iz prikupljenih dokaza se ne može jasno utvrditi ko je od njih četvorice kao dio saizvršilačke grupe direktni izvršilac ubistava pomenutih, jasno je da su osumnjičeni sasvim dobrovoljno učestvovali u zajedničkom planu, te da su zajedno sa drugima imali potpuno istu namjeru, koji je za posljedicu imao ubistvo oštećenih, bez obzira kakvu su konkretnu ulogu odigrali u prethodnim događajima. Iz tih razloga njihovo zajedničko djelovanje se može u cjelosti podvesti pod individualni vid odgovornosti predviđen odredbom člana 180. stav 1. KZ BiH i to učestvovanjem u udruženom zločinačkom poduhvatu koji podrazumijeva zajedničko planiranje i poduzimanje radnji sa zajedničkom namjerom.

U odnosu na tačku 2. optužnice tokom provedjenju istrage pribavljeni su dokazi da je optuženi Vuković Ranko sam izvršio silovanje nad oštećenom "A" na način kako je to opisano u dispozitivu optužnice o čemu svjedoči sama oštećena, koja na nedvojben način opisuje sam čin silovanje kao činjenicu da je ista sigurna kada je u pitanju identitet optuženog Vuković Ranka, jer ga je oštećena od ranije poznavala obzirom da je isti inače iz Kozije Luke, a radio je kao konobar u jednom kafiću u Miljevini.

Uzimajući u obzir da su osumnjičeni bili pripadnici snaga koje su učestvovala u napadu, što proizilazi iz prikupljenih dokaza, a posebno iz

Uvjerenja Odjela za opštu upravu Opštine Foča te iskaza svjedoka, proizilazi da su isti znali za napad i bili svjesni da njihove radnje koje su pobliže opisane u izreci optužnice predstavljaju dio toga napada. Poduzete radnje od strane osumnjičenih su temeljene na isključivo diskriminatornoj osnovi, jer za iste ne proizilazi bilo kakav motiv osim različite nacionalne, vjerske i polne pripadnosti samih žrtava, te se iste mogu posmatrati samo kao dio opšteg progona kojem su bili izloženi nesrpski civili opštine Foča u periodu kada su radnje od strane osumnjičenih i poduzete.

Cijeneći naprijed navedeno može se sasvim jasno zaključiti da je u periodu koji se osumnjičenima stavlja na teret od strane srpskih snaga koje su činile vojne, paravojne i policijske formacije izvršen široki i sistematski napad usmjeren protiv civilnoga stanovništva nesrpske nacionalnosti opštine Foča, da su osumnjičeni znali za taj napad, da su bili svjesni da radnje koje su počinili, a koje su opisane u izreci optužnice predstavljaju dio toga napada, te da su njihove radnje poduzete isključivo u cilju progona civila nesrpske nacionalnosti koji je zasnovan na političkoj, nacionalnoj, vjerskoj i polnoj osnovi, a koji svi zaključci ukazuju na ostvarenje svih bitnih obilježja krivičnih djela koja su osumnjičenima stavljena na teret.

S toga, Tužilaštvo BiH smatra da je ova optužnica u potpunosti osnovana, te predlaže da Sudija za prethodno saslušanje Suda BiH istu potvrdi u cjelosti.

Materijal koji potkrepljuje navode optužnice:

- 1. Presuda MKSJ u predmetu protiv Dragoljuba Kunarca i dr. br. IT- 96-23-T i IT-96-23/1-T od 22.02.2001. godine;*
- 2. Presuda MKSJ u predmetu protiv Dragoljuba Kunarca i dr. br. IT-96-23 i IT-96-23/1-A od 12.06.2002. godine;*
- 3. Presuda MKSJ u predmetu protiv Milorada Krnojelca br. IT-97-25-T od 15.03.2002. godine;*
- 4. Presuda MKSJ u predmetu protiv Milorada Krnojelca br. IT-97-25-A od 17.09.2003. godine;*
- 5. Presuda Suda BiH u predmetu protiv Samardžić Nedje br. X- KRŽ-05/49 od 13.12.2006. godine;*

6. Zapisnik o saslušanju osumnjičenog Vuković Ranka, Tužilaštva BiH broj KT-RZ:31/06 od 18.07.2007.godine.
7. Zapisnik o saslušanju osumnjičenog Vuković Rajka, Tužilaštva BiH broj KT-RZ:31/06 od 12.7.2007.godine.
8. Zapisnik o saslušanju svjedoka [REDACTED] Tužilaštva BiH broj: KT-RZ-31/06 od 19.09.2006. godine.
9. Zapisnik o saslušanju svjedoka [REDACTED] Tužilaštva BiH brojKT-RZ:31/06 od 24.07.2007.godine.
10. Zapisnik o saslušanju svjedoka [REDACTED] Tužilaštva BiH, broj: KT-RZ-31/06 od 19.09.2006. godine.
11. Zapisnik o saslušanju svjedoka [REDACTED] Tužilaštva BiH, broj KT-RZ-31/06 od 05.10.2006. godine.
12. Zapisnik o saslušanju svjedoka [REDACTED] Tužilaštva BiH broj KT-RZ-31/06 od 05.10.2006. godine.
13. Zapisnik o saslušanju svjedoka "A", Tužilaštva BiH broj [REDACTED]
14. Zapisnik o izvršenim ekshumacijama na području općine Foča, Kantonalnog suda u Goraždu, broj: Kri:10/01 od 28.09.2001. godine.
15. Izvještaj o sudsko medicinskoj ekspertizi, broj slučaja 385., Ekspertnog tima Kliničkog centra Tuzla od 28.09.2001. godine.
16. Izvještaj o sudsko medicinskoj ekspertizi, broj slučaja 386., Ekspertnog tima Kliničkog centra Tuzla od 28.09.2001. godine.
17. Uvjerenje Odjeljenja za opštu upravu Opštine Foča, broj 04-835-1-280 od 7.08.2007.godine.
18. Uvjerenje Odjeljenja za opštu upravu Opštine Foča, broj 04-835-1-281 od 7.08.2007.godine.
19. Izvod iz kaznene evidencije SJB Foča, broj 13-1-8/02-248-2-340/07 od 19.07.2007.godine.
20. Zapisnik Državne agencije za istrage i zaštitu o predaji osobe lišene slobode tužiocu, broj 17-04/2-04-2-7/07 od 11.07.2007.godine.

Prijedlog za produženje pritvora:

Na temelju člana 227. stav 3. i člana 137. stav 1. ZKP BiH, Tužilaštvo BiH predlaže da se prema osumnjičenim Vuković Ranku i

Vuković Rajku produži mjera pritvora i nakon potvrđivanja optužnice iz razloga predviđenih članom 132. stav 1., tačke b) i d).

Na osnovu rezultata istrage, odnosno na osnovu prikupljenih dokaza može se zaključiti da postoji osnovana sumnja da su osumnjičeni Vuković Ranko i Vuković Rajko počinili krivično djelo Zločin protiv čovječnosti iz člana 172. stav 1. na način, u vrijeme, na mjestu i pod okolnostima kako je to navedeno u radnjama krivičnog djela sadržanim u dispozitivu ove optužnice. Time je ispunjen osnovni uslov za određivanje pritvora, a to je postojanje osnovane sumnje da su osumnjičeni počinili krivično djelo koje im se stavlja na teret, a što predviđa i odredba člana 5. Evropske konvencije za ljudska prava, odnosno postojanje pravnih osnova na kojima se može temeljiti zakonito pritvaranje.

Pored postojanja opšteg uslova za određivanje pritvora Tužilaštvo BiH je stanovišta da su ispunjeni i posebni uslovi, a koje predviđaju tačke b) i d) člana 132. stav 1. ZKP BiH.

Što se tiče osnova za određivanje pritvora predviđenog u odredbi člana 132., stav 1. tačka b) ZKP-a BiH, napominjemo da su osumnjičeni nastanjeni u Foči na čijem području su i izvršene sve radnje krivičnog djela, te da obzirom na to postoji opravdana bojazan da bi isti zastrašivali svjedoke, pogotovo one koji su se vratili ili koji se namjeravaju vratiti na svoju imovinu sa koje su u inkriminirano vrijeme protjerani, a koji će biti saslušani tokom suđenja, koji svjedoci svoje iskaze moraju dati u atmosferi bez pritiska i straha od odmazde. Takođe bi realno bilo zaključiti da postoji velika mogućnost da osumnjičeni dođu do saznanja o boravištu saizvršilaca, te kontaktirajući s njima utiču na ometanje krivičnog postupka. Prilikom procjene stepena mogućnosti da će optuženi stupiti u kontakt sa saizvršiocima, treba imati u vidu činjenicu da ovo Tužilaštvo vodi istragu protiv još dva lica Golubović Ranka i Golubović Blagoje za koje postoje saznanja da su zajedno sa osumnjičenim Vuković Rankom i Vuković Rajkom učestvovali u izvršenju krivičnog djela prilikom kojeg su lišeni života oštećeni [REDACTED] a koji su takođe nastanjeni na području opštine Foča. Njihovo isto mjesto prebivališta kao i osumnjičenih, te mjesto događanja, kao relativno male zajednice u kojoj se osumnjičeni sa drugim licima pa i sa svjedocima mogu sastajati bez problema, predstavljaju konkretnu, a ne apstraktnu vjerovatnoću da bi osumnjičeni boravkom na slobodi mogli uticati na svjedoke, a posebno na saizvršioce. Što se tiče samih saizvršilaca u ovom predmetu iz dokaza koje posjeduje ovo Tužilaštvo isti

prema izvodima iz CIPS baze podataka imaju prebivališta na području opštine Foča, međutim obzirom da su imena saizvršilaca nečijim propustom nesmotreno objavljena u medijima, nakon što je izvršeno lišavanje slobode Vuković Ranka, ovlaštene službene osobe Državne agencije za istrage i zaštitu su provodeći radnje po nalogu ovog Tužilaštva ustanovili da se isti trenutno ne nalaze na prijavljenim adresama nego da se skrivaju.

Stoga je neophodno potrebno da se osumnjičeni nalaze u pritvoru, čime je osnovan u cjelosti razlog za određivanje pritvora iz člana 132., stav 1. tačka b) ZKP-a BiH.

Također smatramo da je u cjelosti osnovan i prijedlog Tužilaštva za određivanje pritvora prema osumnjičenima iz osnova predviđenog u odredbi člana 132., stav 1., tačka d) ZKP-a BiH, obzirom da se osumnjičeni terete za teško krivično djelo za koje je propisana kazna od najmanje deset godina zatvora ili dugotrajni zatvor, a uslijed načina izvršenja i posljedica krivičnog djela određivanje pritvora po ovom osnovu je neophodno za sigurnost građana na području opštine Foča. Tužilaštvo smatra da je osim objektivnog kriterija koji se ogleda u zakonom zapriječenoj kazni, a koji je u konkretnom slučaju nesumnjivo ispunjen, također ispunjen i subjektivni kriterij koji se ogleda u okolnostima načina izvršenja krivičnog djela i posljedicama istog. Naime predmetno krivično djelo je izvršeno nad nemoćnim civilima u poznoj dobi na području sela Podkolun, općinu Foča, a koje se ne može posmatrati izvan cjelokupnog i vremenskog konteksta u kojem je isto izvršeno.

Posebno se ima cijeniti položaj svjedoka žrtve silovanju počinjenim od strane osumnjičenog Vuković Ranka, nakon kojeg čina je oštećenoj zaprijetio da šuti o onom što se dogodilo ili će je u suprotnom "pojesti mrak" što je ostavilo ozbiljne posljedice u vidu teških trauma i psihičkih problema koje su se odrazile na zdravlje oštećene kao posljedica radnji osumnjičenog. Pomenute okolnosti zasigurno izazivaju uznemirenje, strah i nesigurnost građana, posebno povratnika na navedeno područje. Ponovno traumatizovanje žrtava i svjedoka ugrožava ne samo njih nego i provođenje vladavine prava, jer će žrtve – svjedoci imati povjerenje u sposobnost pravosudnih organa da spriječe bilo kakav kontakt osumnjičenog sa njima prije nego pravda bude zadovoljena.

Cijeneći prednje navedeno, smatram da je prijedlog za produženje pritvora prema osumnjičenima u cjelosti osnovan iz kojih razloga predlažem da se istom udovolji.

